

ORDENANÇA MUNICIPAL REGULADORA ENTARA GESTION DE TARCUMS

CAPÍTOL I. DISPOSICIONS GENERAUS

Article 1. Objècte.

Era presenta Ordenança a per objècte regular era gestion controlada de tarcums e residus dera construccion generadi enes òbres de demolicion, construccion e excavacion, que se destinen ath sòn abandonament, en tot establir ua regulacion adicionau ara der autrejament des licéncias municipaus d'òbres.

Article 2. Ambit d'aplicacion.

Aguesta Ordenança ei d'estricta compliment en tot eth tèrme municipau de Vielha-Mijaran.

Article 3. Definicions.

3.1. Ar objècte d'aguesta Ordenança es tarcums se classifiquen en:

- a) De demolicion: materiaus e substàncies que s'obtien dera operacion de demolicion d'edificis, installacions e òbra de fabrica en generau.
- b) Dera construccion: materiaus e substàncies de refús que s'originen ena activitat dera construccion.

3.2. Ara ora, se considèren tres supòsits basics d'òbra:

- a) Òbra de demolicion: ei era òbra subjèta a licéncia municipau, a on sonque s'a de demòler un edifici o construccion preexistent.
- b) Òbra de naua construccion: Ei era òbra subjèta a licéncia municipau que genèrè residus derivadi dera activitat dera construccion, frut dera excavacion en solèr o deth refusament.
- c) Òbra menores: Ei era òbra corresponenta a petites reformes d'immòbles que non supausen era demolicion totau, e/o es que non precisen de projècte tecnic e siguen subjèctes a ua licéncia d'òbres menores.

Article 4. Regulacion generau.

4.1. En autrejament des naues licéncias d'òbres de demolicion o de naua construccion, se determinarà ua garantia o fidaça entà respóner qu'aguesti materiaus residuaus son gestionadi en installacions autorizadas entara sua recepcion.

4.2. Tanben se determinaràn es còsti originaus entara gestion e/o transpòrt des tarcums d'òbres de demolicion, òbres de naua construccion e òbres menores, qu'eth sollicitant aurà de satisfèr cossent damb eth sistèma de pagament determinat en article 5 d'aguesta Ordenança.

Article 5. Procediment.

5.1. Eth sollicitant d'ua licéncia d'òbres de demolicion e/o naua construccion, aurà d'incorporar ena documentacion tecnica ua avaloracion deth volum previsible de generacion de tarcums. Aguesta prevision serà verificada laguens deth pròpi tramit dera licéncia per part des Servicis Tecnicos municipaus.

5.2. Damb posterioritat ar autrejament dera licéncia municipau qu'implique produccion de tarcums (ja sigue d'òbres, demolicions o excavacions), eth sollicitant aurà de complimentar es tramits que seguissen:

- a) Quan era installacion de tractament de tarcums sigue de caractèr public (pòt èster d'ambit municipau o supramunicipau), eth sollicitant aquerirà un nombre de vales corresponenti ath volum previst de tarcums, en tot auer era possibilitat d'aquerí-los graduaument en foncion des sòns besonhs de gestion.
Es vales auràn de sagerà-se ena installacion de gestion autorizada determinada per Ajuntament, e presentà-se posteriorment entara recuperacion dera fidança atau coma se determine en article 9 d'aguesta Ordenança.
- b) Quan era installacion de tractament de tarcums sigue de caractèr privat, degudament autorizada, eth sollicitant aurà d'abonar eth prètz corresponent entath sòn tractament e obtiené-ne era sua justificacion documentau.

En andús cassi, eth sollicitant aurà de constituïr fidança entara corrècta gestion des tèrres e tarcums.

5.3. Seràn exempti de prestacion dera fidança es empreses dera construccion que gestionen es residus en plantes autorizadas dera sua titularitat o de titularitat des organizacions empresariaus deth sector dera construccion, dera quau sigue membre. Tanben seràn exempti s'era planta ei de titularitat der ens locau qu'autrege era licéncia.

5.4. En quinsevolh des supòsits nomentadi, s'aurà de compdar damb era corresponenta autorizacion municipau e acreditar era corrècta gestion dera Junta de Residus quan aguesta ac requerisque.

Article 6. Determinacion des còsti e garanties.

6.1. Er impòrt dera fidança entà garantir era corrècta gestion des tarcums demore fixada cossent damb era disposicion adicionau prumèra deth Decrèt 201/1994, de 26 de junhsèga, regulador des demolicions e d'auti residus dera construccion, enes quantitats següentes:

- a) Residus de demolicions e dera construccion: 500 pts m³. de residus previsti en projècte, damb un minim de 10.000 ptes.

En aqueri cassi enes quaus se demòstre era dificultat entà preveir eth volum de residus, era fidança se calcularà en base as percentatges següenti, a aplicar sus eth pressupòst totau dera òbra:

- Òbres de demolicion: 0'15%.
- Òbres de naua construccion: 0'15%.
- Òbres d'excavacion: 0'07%.

En quinsevolh cas, er impòrt resultant dera aplicacion d'aguesti percentatges non poirà èster inferior as minims o superiors as maxims fixadi en Decrèt 201/1994.

6.2. Era fidança serà constituïda peth sollicitant a favor der Ajuntament en moment d'obtier era licéncia d'òbres, cossent damb era avaloracion deth volum previsible de generacion de tarcums incorporat ena documentacion tecnica dera sollicitud de licéncia d'òbres de demolicion, de naua construccion e/o d'excavacions e, en cas de que se demòstre era dificultat

entà preveir eth volum de residus, era quantitat dera fidança se calcularie sus era base des percentatges nomentadi en apartat anterior.

Era Administracion poirà requerir ath sollicitant, quan detècte bèth defècte dera base de calcul, era constitucion deth rèste dera fidança corresponenta ara diferència resultanta deth pressupòst. Era fidança poirà hè-se efectiua peth sollicitant pes mejans següenti:

- a) Depòsit en sòs en efectiu o en valors publics ena “Caixa General de Dipòsits” o enes sues sucursaus o, en sòn cas, ena Corporacion o Entitat interessada.
- b) Aval o fidança de caràcter solidari deishat per un banc o banquèr enregistrat oficiaument, per ua Caisha d’Estauvis Condeferada, Caisha Postau d’Estauvi o per Cooperatives de Crèdit qualificades.

Article 7. Regim de gestions.

Eth lòc de liurament de tarçums serà indicat ena licència e poirà efectua-se des següentes manères:

- a) Dirèctament enes contenedors col·locats cossent damb es ordenances municipaus corresponentes, qu’auràn estat contractadi peth propietari, productor o possedidor des residus, e que posteriorment seràn transportadi tath depòsit controlat de tarçums autorizat.
- b) Dirèctament enes instal·lacions de gestion autorizades (airaus de remassada provisionau, depòsit controlat, planta de reciclatge) ja siguen municipaus, supramunicipaus o comarcaus, mejançant eth pagament deth prètz corresponent enes cassi qu’atau procedisque.

Article 8. Exclusions.

8.1. Non se consideraràn residus destinadi ar abandonament, es tèrres o materiaus procedenti d’excavacions qu’agen d’èster utilizadi tà ramplir en ua auta òbra o usatge autorizat. En aquest sentit, eth titular dera licència demorarà exempt deth pagament deth prètz corresponent, e en conseqüència, dera presentacion des comprovants justificatius.

En quinsevolh cas, s’aurà de compdar damb era corresponenta autorizacion municipau e acreditar era corrècta gestion dauant dera Junta de Residus quan aguesta ac requeresque.

Article 9. Retorn dera fidança.

Er impòrt dera fidança serà retornat quan s’acredite documentaument qu’era gestion s’a efectuat adequadament. En aquest sentit, serà preceptiva era presentacion des comprovants justificatius deth pagament deth prètz corresponent.

Article 10. Execucion dera fidança.

Eth non compliment des determinacions d’aguesta Ordenança en çò que hè ara corrècta gestion des tarçums, serà motiu dera execucion dera fidança per part der Ajuntament tà actuar subsidiàriament, independentment des sancions que poguen aplica-se cossent ath regim sancionador previst ena Lei 6/1993, de 15 de junhsèga, reguladora de Residus.

CAPÍTOL II. REGIM SANCIONADOR E DISCIPLINARI.

Article 11. Concèpte d’infraccions.

Constituirà infraccion tota actuacion que vulnère es prescripcions contingudes en aguesta Ordenança e demorarà subjècta ara imposicion des sancions corresponentes.

Article 12. Sancions.

Se consideraran infraccions dera presenta Ordenança es previstes ena Lei 6/1993, de 15 de junhsèga, reguladora de Residus, e seràn sancionades cossent damb eth regim sancionador previst en madeish tèxte legau.

Era quantia dera multa ei coma minim de 20.000 ptes enquia 1.000.000 ptes (coma maxim entàs sancions molt grèus), en cas des municipis de mès de 50.000 abitants.

Article 13. Tipe d'infraccions e critèris.

Es infraccions se qualifiquen en laugères, grèus e molt grèus. Era sua qualificacion se harà en tot tier en compde es critèris contienguts ena Lei 6/1993, de 15 de junhsèga, reguladora de Residus (articles 80 e 81), ath delà des següenti:

- a) Era major o menor transcendència dera infraccion.
- b) Eth perjudici ocasionat as interèssi generaus.
- c) Era reïteracion pera part der infractor.
- d) Quinsevolha auta circumstància concorrenta qu'incidisque en grad de culpabilitat der infractor.

Article 14. Procediment sancionador.

Es sancions per infraccions previstes en aguesta Ordenança non se pòden impausar se non en vertut dera incoacion deth corresponent expedient sancionador, que se tramitarà cossent damb çò que prevé eth marc normatiu vigent (Lei 30(1992, de 26 de noveme, de regim juridic des administracions publicques e deth procediment administratiu comun e eth reiau Decrèt 1398/1993 qu'apròve eth reglament sancionador e disposicions concordantes).

Article 15. Responsables.

Seràn responsables dera comission d'infraccions es persones, fisiques o juridiques, que, per accion o omission, contravenguen aquerò que segontes er article 12au. se considererà infraccion dera presenta Ordenança.

Article 16. Denóncia.

S'era actuacion realizada per infractor supause risc potenciau entara salut des persones, entath miei ambient, o entà quaussevolh des bens juridics emparats pera legislacion penau o implique ua manifèsta desaubediència des dera autoritat locau, era administracion municipau corsarà era corresponenta denóncia dauant era jurisdiccion ordinària e, se cau, ne darà compdes ath Ministèri Fiscu.

Article 17. Mesures adicionaus.

En cas de vulneracion des disposicions dera presenta Ordenança e damb independència dera imposicion des multes procedentes, era Administracion Municipau, damb era finalitat de restaurar es espacis maumetuts damb motiu des infraccion cometudes, poirà adoptar es mesures següentes:

- a) Suspèner provisionaument es trabalhs de vessament que contradiguen es disposicions d'aguest reglament o siguen indegudament realizades.

- b) Requerir ar infractor tà qu'en tèrme autreat introdusisque es rectificacions de besonh entà ajustà-les as condicions deth permís o as prescripcions d'aguesta Ordenança, e/o en sòn cas, procedir ath restabliment des espaci degradadi.
- c) Ordenar era aplicacion des mesures tecniques adequades que garantisquen eth compliment des prescripcions d'aguesta Ordenança e, en generau, dera legislacion vigenta ena matèria.
- d) Ordenar era reposicion des maus e perjudicis ocasionadi as installacions o quinsevolh aute ben deth domeni public que ne resulte afectat.

DISPOSICION TRANSITÒRIA

Es titolars des activitats e/o òbres productores de tèrres o tarçums iniciades damb anterioritat ara entrada en vigor d'aguesta Ordenança, pendents encara dera sua gestion, tot e non auer constituït es fidances corresponentes, son obligadi a realizà-la de manèra adequada e poirà èster requerits per Ajuntaments, en quinsevolh moment e entà qu'atau ac acrediten.

DISPOSICION FINAU

Era presenta Ordenança entrarà en vigor transcorrut eth tèrme de 15 dies obrers, comptats des de londeman dera publicacion dera sua aprobacion definitiva en Butletín Oficiau dera Província.

Publicada en Butletín Oficiau dera Província num. 158 deth dia 30 de deseme de 2000.